

萬

國

公

報

(二)

新報

PDG

清末民初報刊叢編之四
清光緒元年至光緒卅二年
林樂知主編

萬國公報

(十二)

華文書局股份有限公司印行

英人論俄國整頓水師

英國波路摩路西歷十二月五日日報云近者俄國常在碎士謀輔海口整頓兵船訓練水師添置鎗炮製造器械其欲期以百戰百克七縱七擒旌旗迷日月之光而號令肅風雲之色也顧我英人觀時艱之在目休他人之我先不禁躊躇口顧而嘆英國水師其駐防於太平洋海者愈趨愈弱日見其微爲可嘆也讀是早消息謂俄國所置戰艦根砵居多船中鎗炮林立而尤致意於船炮將以遠敵太平洋夫太平洋一隅我英人在彼貿易者實繁有徒惟英國兵船之駐彼防守者獨少即使再行振作多爲簡發猶恐不能自保利益況乃日事廢弛棄軍政而不修置水師於不問如今日之所爲乎若是則誠不顧英國通商之利藪也不理英國旅居之商民也且夫覺者防患於未然其次則見機而卽作最下則禍變不知偷安愼事今俄國兵船影橫空軍容耀日英國諸日報館無不列其事而懷杞人之憂深恐事機坐失患難卽臨當軸者何不恤人言至於斯極耶俄國之覬覦太平洋也普天之下其誰不知中國知之早備根砵戰船堅炮利花樣一新日本知之亦置駐防兵船任重致遠足資捍禦其他歐洲諸國知之亦莫不摩利以須及鋒而試北欲爭龍南思逐鹿即不然亦欲分爭割據使太平洋之水流實處於國中焉不知舉中國日本及歐洲諸國合而計之其商賈貿易尙不能如英一國之雄則爲英國者當自思所以保全之所以捍衛之所以從容坐鎮之使羣雄不敢收扈實當今籌國者之急務也何爲昧於先機有名無實忘兼弱攻昧之道而喪者定爾功之謀如今日哉吾恐將來十日並出不見太陽八王興兵誰爲眞主悔之晚矣不可不慮也不可不察也波路摩路日報之言如此錄之以諭知者

論鄉團

客有鑒於數十年前流賊之蠭起軍旅之廢弛兵力之不支鄉國之足恃者坐而告子曰 國家可百年不用兵而不可一日無備今天下晏安無事而 各省大吏議海防議練兵或簡補營伍或抽調防營或以西法訓練鎗隊或照西式起建砲台或購買外洋槍砲輪船或製造機器軍械輪舶陣法隊伍則擇其善者效之軍械器且則選其精者用之亦可謂實事求是以期有備無患矣然論者輒恐其有治法無治人且有謂練兵不如招勇招勇不如鄉國者其意果何在哉言未已有昌言座中者曰是豈明乎天下古今之大勢而爲是言也夫流賊之禍起於郡縣之世漢之張角唐之黃巢其勢蔓延兇悍而卒以掃除者漢州郡之勢強唐節鎮之兵掠故也至明季州縣積輕而鎮侯之權不如一監軍道尊貴相壓非復初制冠之在楚豫秦晉者如水瀉平地東南北惟其所之雖以虛象昇孫傳庭之忠勇曹文詔父子之驍健隨撲隨熾無他大帥有攻勦之兵州縣無堵禦之力且官家之兵有 朝廷之節制有文書之往來有供億之繁費有驛站之稽遲有支給之浩穰而賊則不然行如飄風止如蟻集一切取之於吾民民不勸而輸兵不調而集行不請命戰不尅期野掠所得自肥其私上無吏議功罪無所營惟盜之是務狂悖暴虐而其心則齊一堅定故猝不可制以古況今亦畧相同矣故欲制流賊首恃鄉國誠使鄉民各守其家室而統於一令令各守其城垣而統於一郡民不變賊殺一賊則少一賊四面蹙之賊無所走則窮矣然有謂 國家承平日久民不知兵兵且畏賊奈何責民者不知賊即吾民非有奇才異賦也民去而從賊則勇民居而爲兵則怯此其故可思矣何也賊無紀律法度而能用其權今之守令則無權非獨無權以東西南北之人強之爲父母焉爲公祖焉或三月而去或半年一年而去其視民與民之視之也不能如賊與賊之相親而能用其權亦明矣即或小有建樹監司制之督撫制之督撫又制之萬不能如宿賊與新附之賊之能必用其權亦明矣苟能用權則以狂寇無幾數

千之徒橫行八九省而不可制苟不用權雖以朝廷之威德賢士大夫之聲望不能使一城一鎮之人臨事而不去則何如畀之以權使天下守令各私其郡縣郡縣亦各私其守令庶賊無所乘而入乎然則如之何而能私令不十年不遷終於職者卽削其故籍而居焉守不十年不遷終於職者卽削其故籍而居焉令之加官可至四品而仍爲令守之加官可至二品而仍爲守守令之上獨留一督以主軍民事兵全付之守與令城垣其牆宇也倉庫其困窖也四境其田里也民知守令之爲吾守令則忠義有所效守令知民之爲吾民雖欲虐用而不忍竭盡其力雖欲苟安而後顧無所譏議而權遂能行乎其間今天下州縣無不議國體者比如團沙膠之而不固鄰之而仍散非權不能固也守令與民非久且親則國亦不堅旣久且親矣則民之親守令而固鄉兵則萬師矣且天下之大患莫如貧興師十萬日費萬金營卒防兵歲糜不貲誠重守令而固鄉兵則可省營兵之半而客兵更可省矣夫以西北之兵而救東南近者數百里遠者數千里動經旬月兵未至而賊已去賊未見而帑已竭矣凡兵行糧人日三百若以守令督鄉兵人得白錢便有飽騰之效又無道里之費驛站支應之苦愛其家室知其道路家出一丁雖小縣可得二三萬人賊未至之前小村併大村小堡併大堡勸其長老私相督率官與旗幟以時訓練而約束之至百里之外然後支用官錢勒成部伍追賊不出境遷徙不出境出境有誅凡支官錢動用地丁正雜准與開銷正雜不足私相捐輸皆登簿籍報部而獎之凡本縣民瘠許一府之內擇其殷實相爲輸將而仍不得抑勒凡輸錢粟於鄰境獎有加凡一縣之鄉兵與四隣分日而會於境凡賊至一縣則四縣交出兵而會於境凡賊至一府則所屬各縣各分三分之一交出兵而會於府凡出境者糧有加凡用鄉兵皆報府而督撫提鎮以下不得調用鄉兵如此則遠近相聯村與村團與團

縣與縣團如手足之捍頭目不呼而集兵無遠涉之苦國無餉之艱矣今防堵僅恃額兵額兵不足則招勇額兵之弊有二訓練則虛應故事赴敵則顧惜身命招勇之弊有二非以餓無賴即梟傑不逞苟錢粟豐裕賈賜優渥可激使一戰然亦浪戰無法乘勝爭利脫或支用不給小不如意睨目而疾視沙行而偶語一旦有急鉅而走險不能有益適足爲禍耳古者招勇不出其鄉用勇亦不出其鄉故曰鄉兵或有山陬海澨兼與屯田自昔行之成效尤著故與若各用鄉自戰其地得賢守令撫而練之使耕戰相雜一歲之中便成勁旅何必遠徵近募聚諸無賴不逞反開禍亂之門乎此練兵不如招勇招勇不如鄉團之說也子楊記之以告世之有心人子曰諾

忍可免禍

孔子曰忿思難小不忍則亂大謀一朝之忿忘其身以及其親非惑歟子張欲行辭於夫子願賜一言爲修身之美夫子曰百行之本忍之爲上子張曰何爲忍之夫子曰天子忍之國無害諸侯忍之成其大官吏忍之進其位兄弟忍之家富貴夫妻忍之終其世朋友忍之名不廢自身忍之無禍累子張曰不忍何如曰天子不忍國空虛諸侯不忍喪其軀官吏不忍刑罰誅兄弟不忍各分居夫妻不忍情意疏朋友不忍少提扶自身不忍患不除子張曰善哉善哉難忍難忍非人不忍不忍非人子貢問曰有一言而可以終身行之者乎子曰其恕乎己所不欲勿施於人尹和靖曰莫大之禍起於須臾之不忍不可不謹薛文清公曰氣直是難養余克治用力久矣而忽有暴發者可不勉哉二十年治一怒字尚未消磨得盡以是知克己最難陸稼書先生曰昔人有言天下甚事不因忙後錯了儀道天下甚事不因怒後錯了怒則忙忙則錯氣一動時不可不即時檢點人不可有勝心一有勝心則爲氣所乘矣要知勝心卽是氣陳眉公福壽全書曰世路風

波翻覆莫測細思惟有讓人爲妙讓則爭者忿息者平忍者解天下莫大之禍俱消於忍之一字中矣此聖賢大學問常人得之亦可免禍獲福龐順陽先生七克全編曰凡人忿怒時所行怒解必悔故怒時宜自禁且勿念且勿言且勿行如欲渡者順風則行逆則止怒動風逆此時行險哉怒息浪平行可也故怒時凡所欲爲雖似甚近理常疑勿信第緩勿急蓋此時最不便語言行事而怒人最欲語言行事可不畏乎唐翼修先生必讀書曰氣之在人忍則大事可以化小不忍則小事可以變大古人云放下一星火能燒萬頃此喻最親切吾見爭岐界一木而致殺人者凡二家有因捕魚致爭羣相撲擊以致擊傷生命者亦二家夫一木也一魚也所致甚微也乃不仔細忖度因忿致爭爲氣所使竟致殺人陷於罪罟一致典償一致絞罪一罹流徙何爲者耶又曾見一言觸忤興訟數年費財無算且積勞而喪身者數人噫人孰不惜財孰不惜命爲甚微之故而致蕩破家財罹於刑戮豈其心胸愚昧至此哉乃一時不能忍耐爲氣所使也則人安可恃氣而行也以上孔子告子張子貢以至尹薛陸陳龐唐諸先生所言無不以忍爲修己待人處事遠害之要道故古人云忍爲衆妙之門忍字敵災星三過事堪喜必有忍乃有濟能忍無事不辦洵不誣也余謂忍字之中更能以恕字讓字作骨尤覺心平氣和量大德厚永無惹禍招尤犯刑受戮之事矣故列引孔子及諸書之言而備論之昨見十月十三日浙江巡撫楊公奏董倫重犯一摺據杭州府陳餘姚縣劉詳稱縣屬仙宅庄地方倪錦雲失去布衣一件疑鄰居王有誌之母王陳氏偷竊向王陳氏家查問王陳氏氣忿不認旋至倪家哭鬧其子有誌慙思伊母服毒殞命楊中丞將王有誌卽行正法倪錦雲杖一百徒三年嗚呼爲一件布衣而致成兩家大禍母子傷生亦慘矣哉豈非爲不能忍而然歟豈非一朝之忿忘其身以及其親者歟倘倪錦雲能行恕道自不至疑竊致斃人命破家犯刑之禍何由而生王陳氏若素以忍讓之道自修以教其子亦何至

以毒自殺其身而令其子犯蔑偷重義哉吁孔子與諸先生各書之言可以爲鑒矣

論錯供祖宗的人要做出許多錯事來

陳心穀來稿

供祖宗爲何有許多錯事講到敬祖宗第一供不得因爲供者擺出做也擺出做勢必做出許多花樣來了故要供祖宗的必先要供靈床兒供靈床兒自然立神主有靈床神主然後擺設長壽寶蓋仿佛家要引他到西方去然西方還未去不能不吃飯故要早供飯晚供酒酒好奠飯只得裝在糧食瓶內叫他帶去飯放久了自然餿揚開瓶兒來看只見烏花滿瓶臭氣你聞不得叫他吃吃了還要擔真的你又擔不出他又擔不來你只好做些假的紙銀子元寶洋錢銅錢用火一燒叫他擔去做盤川臨動身紙魂轎一乘轎夫兩名少不得好抬還有紙衣裳許多箱籠物件少紙人扛抬想必必要死者自去僱脚夫鬼喊鬼鬼裏鬼如此用火燒他一齊帶去了但是這些事體還算老實的還有花苗的做出來和尚道士同是一個人說道他是神仙佛會得超度鬼嘴裏動動說道鬼會得有好處故而你相信他用着他唸材頭經名曰人有倒頭福點樹燈名曰有佛光普照做三朝道士鬼唸送接煞接他來擺得活怕一時三刻把座位翻身用苕帚牽塞打掃名曰趕出去你接他來作伴還要七七做八八做日裏拜懺算功德夜裏放焰口算戲文前世欠了什麼受生經死了還要還還有搭望鄉臺好看你看你說道可憐這個鬼他只好望望家鄉歸不了這樣做法也花苗設了但是你還有花苗的事體咳或曰你說人死不作樂樂者樂也樂極則手舞足蹈故要做也樂者响器也故要敲打敲打與做皆是樂事故喪事不許但如今有喪事用和尚道士做七做法事都要敲打做又無已還有開喪用行人鼓吹以敲打做又無已還有開鐘廟道還有升殿還有堂名打唱戲子演戲者何如曰此非日鬼戲可名曰戲魂但是人不可如此

人如此毋乃太作威作福乎夫感泣花映皆事之利于喜慶者而豈宜于凶喪耶喪人死傷亡也人爲鬼也死也陰也冷也靜也寂也默也無聲無臭也危也險也悲也苦也而傷心不得意也故喪事只得哭泣以報之卽有外人來亦陪哭而不敢傍觀色笑況主人乎主人則悵慕焉於其事而不敢慢易悚懼焉於其事而不敢玩忽嚴肅焉於其事而不敢縱失此所謂禮也強喪也皆禮之當然也安有行喪事者於喪事中而反行樂事者如爾所爲爾若曰吾父母不幸而身亡也彼死而爲鬼我則幸而爲人彼則向陰故我向陽彼臨危險悲且苦不得意而幸而我則現在安且樂可以自鳴得意也故我則開心且顧自己開心者願闊熱而不願冷靜喜聲張而不喜寂默故吾如此正爲此也吾如此則吾生者之所爲正與死者相反然而皆皆合吾意也吾故願爲耳曰爾願爲實不可爲也爾爲之吾代爾悲傷也蓋爲爾父母之死得可憐之慘慘也試里鼓樂喧天吹歌唱曲爾對彼傷心則開心太甚狂縱太响本不宜敲再加一響而聲大振雖曰壯鬼威助其體面然鑼驚鬼也鬼可驚乎礮朝廷所以誅罪人用之者也人送鬼升天敢用追魂砲此吾又不忍言之者矣夫追魂砲銳也況此事又成一笑話蓋人借此以取笑人者而人乃用之以取笑亡親耶至于用皂隸吆喝三堂神驚鬼怕爲辟邪崇也君豈以亡親爲邪氣耶況吆喝者明明驅逐是趕鬼人之父母如之何而趕又戲者俳優唱做人則好看好聽而鬼則難聽難看君爲之毋乃形容其鬼魂乎且戲者戲也戲敬鬼真是戲鬼以上這些事體都是錯的若說爲何要如此豈非由於你要供他喜歡擺出做故至於做個不了又做到如此乎余故曰第一供不得若曉得第一供不得連供也不是決不爲此事了故人行事總應該想一想看如不合禮不可爲也今此事大不合禮無如老人雖無此心而竟實有其事也奈何人無不有好奇勝之心也一巴圖名望做孝子的重在親友往來人人要體面故此開喪事間熱備酒肉接待人

有吃頭有看頭則人皆欣然而來矣此孝子之名也 一謀求利益大凡父母在日大有世情的一切銀錢禮物往來父母用出我正好趁此時收割轉來且借此大事或另行設法張羅銀錢多方告貸如謀求到手較他圖易取此孝子之利也 故爲此事可以名利雙全雖然相苦顧名利而不顧禮義君子不爲也此事算來實係禍及父母福及子孫且榮及子孫辱及父母我與父母道理上正顛倒相反噫人孰無情人孰無情回憶從前我爲父母亡何等作爲皆與他沒相干而我則現在在此現成享福我的好處可以毫釐不必把他而他的好處卻一概盡行把我這事體弄將來正俗語所謂他死得好他死得好也因爲我太便宜他太吃虧了故此事實在此你不可形容出來請君自忖試思此事若再如此君忍爲之乎故我說祖宗供不得供了一切錯事要做出來原來供祖宗的人竟錯到如此特告知供祖宗者戒之哉

恭輓陸倬理監督七律四章

後學何明楊未定草

其一

道寬偏處主匡襄萬水千山實不妨和約立成開救路良朋作伴整行裝 與柯岳二教師同來
居儒學語諸文字設收捐金造教堂誰識眞神招返本使人啜泣淚雙行

其二

使人啜泣淚雙行為感深情未忍忘品行端莊教會仰言論剴切動人望才高直與豪並德大
猶如雨露濃無處無方不頌美一聞哀訃盡悲傷

其三

一聞哀訃盡悲傷恩入人深分外彰脫却紅塵歸樂國離乎污世到天堂材全不愧爲儒者備誠

堪作會梁師進明宮殊覺慰無如小子更遭涼

其四

無如小子更淒涼木壞山頽實感傷
遺愛何慙交日頹儀型皆在衆
心藏留存謹解
思多味灌溉花枝竟故香
爲解悶也
物在於今人不在聊呈俚句訴愁腸

共廿四篇

大清國

諭旨恭錄光緒五年十一月二十五日奉

上諭本日

穆宗毅皇帝聖訓寶錄告成朕於卯刻吉時御殿受寶肅禮成百僚畢奏維時卿雲紆綬瑞

雲繽紛吉寧呈祥彌增欣慶仰維 穆宗毅皇帝建極綏猷經文緯武十有三年之詒謀盛業具載典謨朕

志切紹聞常深儆畏上臬

兩宮慈訓乾惕自持均幸仰邀 眷佑故當此全書告成之日欽承 鴻貺明

示庶嘉實我國家億萬年景福所基朕與在廷大小臣工同殷歡抃允宜背錫施恩用昭鉅典除降旨將監修

總裁以下各員並在館執事人等分別加恩外所有本日進書執事之親王郡王均着加恩紀錄四次悼親王

並加賞御書受福多年匾額一方恭親王並加賞御書輔政扶德匾額一方執事之貝勒以下宗室文武官員

及執事之大小官員均着加恩紀錄二次其宣讀表文致辭制答各員均着加恩紀錄一次其餘文武大小官

員均着概行施恩紀錄一次此外八旗兵丁並着加恩照現放章程各賞給一月錢糧以示慶成錫福闡澤軍

數至意欽此又奉 上諭欽維我

穆宗毅皇帝建中立極紹 統綏猷 臨御十有三年有密幾康孜孜

夙夜 敬 天 法 祖 勤政 愛民 祀壇 廟則禮重居歆 講

橋山則誠摯追遠奉 兩宮而

聽政 孝養彌隆合萬宇以承 歡

慈恩廣被慎潢池之不靖 授斧鉞以專征首定江淮繼清齊難黔

關龍悉奏膚功四海重親夫并平

武成大告萬幾時履平 宵旰 文德覃敷軫念民依減清糧於江新振

興士氣增學額於 膠庠凡茲 歲換之

皇猷悉本綢繆之 黜學左記勳右記言方策留貽與河嶽日星

前燦 丕顯謨 丕承烈聲嶺嶺濯託東西南朔而遙朕以幼冲誕膺 付託仰聆 懿訓編想 前徵伏見

萬國公報

大清國事

諭旨恭錄

二百三十

績緒 前謀史不勝記爰於嗣位之初命大學士等督率官員敬謹纂修 實錄記事編年一歸簡質共成

書三百七十八卷又續經恭輯 聖訓一百六十卷纂繪乾坤 照臨日月並者全書告成百僚共慶 神功

聖德億禩常昭金匱尊藏紹開闢切館臣等五載以來悉心編勘安速竣功允宜優加甄叙以彰鉅典而勵

勤勞監修總裁官正副總裁官及提調纂校官掌繙譯等員與執事人員作何議叙之處該部查明舊例斟酌

妥議具奏其筵宴賞資亦着該部查例具奏欽此又奉 上諭本日 穆宗毅皇帝聖訓實錄告成朕祇肅

受書實深欣慶除現已降旨將在館各員及執事人等一併施恩交部查例優叙錫賞外爾思開館以來所有

監修總裁副總裁等皆能悉心編輯各矢勤勞允宜特加優獎監修總裁大學士寶鋆在館四年始終其事着

加恩伊子工部候補員外郎景禮以本部郎中即補伊姪工部候補郎中景星賞給舉人准其一體會試副總

裁部尚書徐桐始終其事辦理妥慎精詳着賞加太子少保銜伊孫徐培芝着賞給舉人准其一體會

試總裁吏部尚書靈桂副總裁禮部尚書恩承理藩院尚書察杭阿禮部右侍郎殷兆鏞均係始終其事靈桂

着賞加太子少保銜恩承之子太僕寺候補員外郎托克托善着以郎中分部即補察杭阿之孫兵部候補主

事錫璋着以該部主事遇缺即補殷兆鏞之孫刑部額外主事殷柏齡着賞給舉人准其一體會試總裁大學

士載齡在館二年着賞加二級協辦大學士兵部尚書沈桂芬在館二年着賞加三級戶部尚書董恂兵部尚

書廣壽均在館一年着各賞加二級副總裁刑部尚書潘祖蔭都察院左都御史志和均在館一年着各賞加

一級離館之總裁前任吏部尚書毛昶熙前任刑部尚書臧保前任工部尚書李鴻藻着各賞加二級副總裁

前任吏部左侍郎彭久餘前任工部右侍郎德椿着各賞加三級原任總裁大學士英桂着賜祭一壇以示朕

推恩懋賞加獎勵勞至意欽此

論蘇藩禁條

藩侯大節在承流宣化不惟貴重庫儲也故晉隋方伯者必上布朝政下達民情始無忝厥位自謹守繩尺之

流只求能恪守節儲及會詳請奏等事已日稱爲了結門面至於革除弊俗則伴輩詐瞞望望焉如將去之求

其盡關心民俗而刻刻以除弊爲念者則謂未多觀也蘇垣新任譚方伯前嘗任蘇州郡侯法去太甚令戒條

選錄香港新聞

疆而一欲以化民成俗爲急務與尋常二千石不啻相去天淵近者開藩蘇垣事煥新猷仍循舊政安即在府任內時所定禁令二十餘款重申禁革蓋欲仍踵前美以端民風而善民俗查蘇垣積習頗繁而方伯於前任黃堂時已擇其有關民俗者刻爲禁除蘇民已知遵守茲者風清俗醇禁令重申蘇人回思舊禁當更有欣欣鼓舞而樂爲遵守者焉而方伯禁款中有關名節風化者尤爲蘇垣弊俗所當亟爲整頓如妓館如書局如花客寓此固秦樓楚館之濫觴名式雖蘇垣所獨情事亦非他處所無服官者於青樓一節多視爲客旅間遣之場除遇生事始行查辦否則留作騷人詩料不必盡移章臺之柳植之漢南也茲能並掃而空之銷金窟垆以泥丸不留作閭閻傾家之地廢時耗燎以遺炬不留作死人生葬之場則冶游蹊徑鞠爲茂草亦可想見承宣之政善矣顧覽游花柳無殊神女生涯寂處釵環已等月娥嫋獨而謬謬焉施以槍掠使其形特風靡舟舟波瀾此則亡人泉下乾哭亦未亡人世上違心者是槍嫋一欸所應嚴禁也更有婚禮衰結縵事阻於是人以倫大典行諸干戈機杼之中槍親之事曷可爲訓茶館之設本爲過客停車止渴之地乃蘇垣舊俗婦女相率而游故娉婷試茗之餘卽野蔓紛纏之漸雖瑤釵寫意金馴搖情入此者並乏小家碧玉而男女雜坐眉語目成之概已非風範所宜而況婦女入茶館其流弊並有不止於此者乎蘇垣廟宇淫祀殊多雖經湯文正飭毀後十去其八九而入此燒香者婦女相沿不絕以故蓮花合掌楊柳低腰之際狂且淫肆品評他若算輿搖曳輿越道隨游治微逐莫此爲甚雖蕪香品茗情事不同而過道招搖亦幾可與入茶館相提並論豈可以遺福爲名而遂忘婦女之所戒哉此婦女入廟燒香亦所宜禁也吁婦向四德儼等四維一施之以撒潑則有不成其爲婦女者蘇垣積弊婦女之漫漫者殊不自歛遇有事故輒欲以巾幘之雄鬚乎男子雖風既肆脂虎行將嗽盡生靈柔氣反剛紅粉狠定必宏開殺戒有以禁之固足端閨訓而維薄俗也而有明肆招搖暗傷風化者則厲壇及台基兩節也厲壇一事開端於巫覡而無知婦女妖言深入心脾遂欲陽作罪人陰消罪孽竟至花紅柳綠帶鎖披枷以金閨重之姿爲道人耳目之賞而且頹風靡化此誠厲階是厲壇一地尤婦女不當或至者桑間濮上本鄭衛之淫風至於人各有家各嚴其域則風化由此而端名節因之以厲而乃故爲之地致使踰垣仲子懷春切而罔愛桑欄涉沚狂童贈芍殷而任譏鴛鴦因風柳絮遂竟沾泥含雨桃花頓隨流水留

萬國公報

各國近事

二百三十一

邱中之麥式寢以放裏牆上之茨亦孔之醜然非有爲之台基者則縱偷香有意其如竊玉無山而自有台基則神女生涯月娥婦獨均不難暗入其中則幽會焉而名節墮亦私約焉而顧化傷矣有以禁之則無罪不必佯爲有罪而無私亦不至疑其有私焉是毀厲墮而婦女無私罪變台基而婦女絕私情豈非除弊俗以成民俗之大道哉方伯禁欸二十餘條在在均關政治而不容留妓館書寓不准開花客寓不准搶婦不准搶餅不准婦女入茶館不准婦女入廟燒香不准婦女撒潑不准厲壇裝扮罪人及嚴拿台基諸欸則尤爲有關名節風化方伯刻能致意於此則化民成俗非方伯其誰與歸

例禁短交耗米事

總辦江蘇海運滬局

出示嚴禁事照得海運糧米漕糧每石耗米八升白糧每石耗米一斗原爲到津交卸恐有折耗短缺以之彌補交兌有餘則由津作價收買以杜虧短而顧正供定章最爲周密嗣因日久弊生者舵人等往往私向各廳州縣解米丁胥商通折價或在沿途各口私行羅變前經嚴定章程留提三成附入聯單隨漕交兌由津局收買在案查近年以來沙船運米到津米數多有交卸短缺者難保無不肖者脫私將耗米先行折價售變等弊雖經該船賠補究屬有違定章本屆新漕海運訓恐復蹈故轍除密訪查辦外合行劃切示禁爲此示仰承運各船商者舵人等知悉爾等應得耗米務須隨漕兌收連津交卸不准顆粒短少所有餘米應候津局給價取買倘敢私行售賣或勾通折價到津驗卸以致耗米交不足數定提該船主者舵人等從嚴究辦決不姑寬各宜凜遵毋違特示

申禁漕丁滋事

特授江蘇松江府上海縣左堂劉

欽加五品銜卽補縣左堂

特授上海縣水利廳道

出示曉諭事奉

總辦江蘇海運滬局憲札開照得江浙兩省今冬新漕照案仍由海運應需承運船隻業

經截留封雇鱗列浦江兼之各屬駁船解米來滬水手甚眾其中良莠不齊最易滋生事端札委該員卽使遊照會同前赴浦江彈壓妥爲照料勿任各船舵工水手人等藉端生事毋稍疎懈切切等因到廳案此除會同

親赴浦江常川彈壓照料外合行示諭爲此示仰各商船戶舵工水手及解米駁船戶人等知悉爾等務須嚴束本船水手在冊各安本分靜候裝糧起運毋得三五成群上岸酗酒滋事如敢故違察出定提詳究決不寬貸各宜凜遵毋違特示

星使來華

英本月二十三日電報云法國已派使而爲中國駐京使臣不日即來華矣

領事回國

前聞德國總領事呂德奉命另調今悉英領事達文波美總領事伯勒亦將陸續奉調回國

西商造橋

滬北老關大橋西之紹興會館地方南北相距一河向無橋梁來往途人或覓渡作一葦之杭或由一木大橋繞出其後行人苦之而無如何現由錦名洋行東與怡和行主會議欲在該處建設木橋一座以便行人橋面闊一丈二尺用鐵鈔木橫排其上而橋樑護欄亦均用鐵鈔木爲之式樣照老關大橋與造定於明春正月二十日囑工云查該會館一帶地基本屬怡和管業境本幽僻地極荒蕪今爲橋以便行人則將來多建民房亦可逐漸興旺一事而三善得焉其斯之謂乎

滬江喜雪

滬上交冬以後晴暖逾恒至前月二十日以來微雨連綿歷半月餘不止惟農人望雪甚殷僅以前月底畧見數點且天氣仍未冷十二月十一日西北風始起撲面爲寒傍晚雪花飄墮竟夜不絕堆積數分許十二日又竟日風雪袁安臥得弗寒否

大英國

貿易清單

倫敦新報云火輪公司貿易等事開明船數裝載若干清單計大船十九隻裝載十三萬五千五百三十二噸馬號力有二萬三千三百四十噸自英國開駛印度日本往來貿易在上海即稱火輪公司是也

各國近事

各國近事

二百三十二

報館主逝世

西字報英國太晤士報館主德林得雷恩近已棄世按該報館主無志功名勤於著述每論天下事語多中肯其報之行銷已遍五大洲內在館三十六年主持筆墨無間寒暑今一旦與世長辭人多惜之云

增兵挾制

英軍之得阿富汗也英之大臣駐紮阿京強令其民歸附而京城外之周圍黎庶未盡投誠英復增兵赴各鎮各鄉以勢壓之不准一人從中作梗云

大法國

議院復歸舊京

法國公議堂議院本集於舊京數年來遷移他處近聞西歷十一月二十七日復歸舊京云

大美國

公議堂曉諭摘錄

昨閱西報得悉美國新開公議堂伯理璽大德當堂曉諭摘錄三事一邇來我國與日本新立條約揆其情度其理他國亦必為斯立約也夫新約以一十五月為期他國果亦如是則此約可行矣就本館主而論然他國未必如斯立約焉二近日中東為琉球一事漸致夫和吾國家情願從中勸和以免起釁也三東中東賠款至今尚存以償子母其款甚鉅除中東該還我國者若干外餘款仍歸中東可也按此款美國久欲歸還中國而中不收納故此款尚存耳或謂美還中而不收不若將此款設立儲才館彼此有益延請中西名師教習諸生西人學華語習華文則使華人傳之華人學西語習西文則使西人傳之豈非一舉而兩得乎哉本館主竊思上海格致書院創立有年迄無成效皆因手續費之不敷也以致為山九仞功虧一簣若以此巨款作書院之需擴而充之聘請名士掌院說地之人會集得天下英才而教育之豈不大快乎哉從此人才蔚起格致振興則國家幸甚士林幸甚余環遊地球各國格致書院皆親知灼見也其規模宏大氣局堂皇特具外著者耳至造就人材正不乏人及觀上海格致書院奚啻霄壤苟能以此款助之直可與各國媲美矣鄙意如此主

籌款政者以爲何如

華人入籍

西歷十月初六日有一華人在美東包的馬城按察司前自願剪辮髮易服色甘入美籍按美國定例在國五年准其入籍現查該華人爲時合符可以入籍嗣後斯人不屬於華而屬於美矣

大俄國

俄相讓位

西報每論俄國相臣現因年老意欲讓位惟接辦之人不得卸肩也近聞有一大員名曰亞老野甫言有接辦信息按斯人與相臣作事大不相同彼意屬於內地開治每事歸於公議堂春謂此特妄議而已非確論也十一月二十八日報云仍舊相臣親自理事云

大德國

優待丹皇與后

丹皇偕后赴德前報已登矣今聞西報得悉西歷十一月二十八日皇偕后至德京而德皇偕后逕迎致敬於王宮設席宴飲席散同至戲園觀劇有一著名女樂名下觀者高唱入雲令人入耳快心賓主相得甚歡並敘親睦翼日厚其燕好而歸之

相臣抱病

閱西十二月外洋來信云德國相臣畢士麻克近來政體違和國人時以爲憂絲畢相年逾花甲名望素著德意志合衆國皆倚以爲安危恐一旦與世長辭踵其後者難乎爲繼也

新約未成

西報謂德國與奧斯馬加國欲換通商條約議而未成德國家前派大臣與奧國商議照舊約可否變通相讓而奧國大臣不以爲然故事未議成即旋反矣現今仍照舊約姑緩半年再商改易新章云

購買輪路

前聞德國欲將民間所造輪路給價購買歸公已列於報茲悉已買得輪路四段惟價值則暫給沙票每年加息六厘半云

萬國公報 各國近事

二百三十三